



Dimako Udala

LGTBIQ+ HARROTASUNAREN NAZIOARTEKO EGUNA ERAKUNDE-ADIERAZPENA

Ekainak 28

50 urte igaro dira Stonewallen lesbiana, gay, transexual eta, batez ere trabestiak, poliziaren aldetik jasaten zituzten jazarpena eta xantaiaren aurrean erreboltatu zirenetik: data hori mugarri bihurtu zen LGTBIQ+ pertsonen borrokan. 10 urte beranduago, 1979ko ekainaren 10ean, polizia batek Antonio Vicente Santa María (Francis) hil zuen Errenteriako diskoteka batean, trabesti izateagatik. Ekainaren 28 horretan LGTBI pertsonak eta kolektiboek Euskal Herriko kaleak hartzen dituzte estreinako aldiz, euren sexualitatea eta generoa modu askean bizitzea aldarrikatuz.

Covid-19aren pandemiaren ondorioz, une historiko aparta bizi dugu. Mundua oso astindua izan da, gure bizimoduak hankaz gora jarri dira eta "normaltasun berri" batera itzultzeaz hitz egiten entzun dugu. Hala ere, LGTBIQ+ pertsonak bezala gure gizarte-ereduak ezartzen duen arauarekiko disidenteak direnentzat, itzulera horrek diskriminaziora eta bazterkeriara itzultzea ekar dezake. Diskurtso-esparruak, konfinamenduaren kudeaketak eta deseskaladak dagoeneko erakutsi dute zerbait berrirako bide hori betiko ikusezintasunaz eta arretarik ezaz beteta egon daitekeela, hain zuzen ere diskriminazio gehien jasaten duten kolektiboegi begira.

Konfinamenduak eragin negatibo espezifikoak ekarri ditu LGTBIQ+ pertsonentzat, eta argi dago ondorengo krisi sozioekonomikoak eragin horietan sakondu baino ez duela egingo. Pandemiaren aurretik zeuden errealitateak puztu egin dira: LGTBIQ+ pertsona askok indarkeria jasan dute haientzat seguruak ez diren etxeetan bizi behar izateagatik; beste batzuek arazoak izan dituzte osasun-zerbitzu espezifikoetara edo, oro har, zerbitzu publikoetara iristeko; jazarpen handiagoa jasan dute kaleetan edo lanean, eta, oro har, beren osasuna okertu, eta estres psikologikoa eta emozionala areagotu egin da, gainerakoek baino neurri handiagoan. Bazterkeria, prekarietatea eta diskriminazioa direla eta, ondorio negatiboak biderkatu egiten dira, adina, klasea, arraza edo egoera administratiboa bezalako beste ezaugarri batzuk kontuan hartzen ditugunean.

Erakundeetatik pertsona guztientzako eskubide guztiak bermatzeko erantzukizuna dugu, eta bereziki zaindu behar dugu LGTBIQ+ bezalako kolektibo zaugarrienen eskubide horiek izan ditzaten. Covid-19aren garaian ere egin behar dugu: krisia ezin da aitzakia izan inor atzean uzteko. Garaiz gaude "normaltasun berri" hori garai berri bat izan dadin, euskal jendarte errespetuzkoago, justuago, duinago eta askeago baterantz aurrera egiteko aukera bat.

Horregatik, ekainaren 28 honetan aitortu nahi dugu LGTBIQ+ kolektibo eta pertsona ugariaren borroka luze eta ordainezina Diman: garai zail hauetan, pertsonen eta gure herriaren emantzipaziorako erreferente direla erakusten jarraitzen dute.



Dimako Udala

Era berean, Dimeko herri honek LGTBIQ+ pertsonen eskubideekin urteko egun guztietan duen konpromisoa berretsi nahi dugu. Adierazpenetatik haratago, gure konpromisoa politika zehatzetan islatu behar da, bakoitzak bere giza baliabide, baliabide tekniko eta ekonomikoekin: mugimendu feministako eta LGTBIQ+ mugimenduko ordezkari eta adituekin adostu behar diren politikak.

Horregatik, Dimeko Udalak konpromisoa hartu nahi du honako hau egiteko:

- 1) Bardintasun politiketan aniztasun eta askatasun sexuala txertatzea.
- 2) Gure herrian gertatzen diren transfobia, lesbofobia, eta homofobia indarkeria kasuak jasotzea eta arretarako baliabideetara bideratzea.
- 3) LGTBIQ+ pertsonen aurkako indarkeriaren aurrean AUMren bitartez, Arratiako beste herriein batera, koordinazio, arreta eta erantzun publikorako protokoloak diseinatzea eta abian jartzea.
- 4) LGTBIQ+ pertsonen eskubideak bermatzera bideratutako neurriak aktibatzea, hala nola: administrazio-formularioetan aldaketak egitea binarismoa gainditzeko, aldagelak eta komunak egokitzea instalazio publikoetan.
- 5) Haurrak eta nerabe transexualak babesteko politikak bultzatzen jarraitzea, bereziki trans errealitatea barne hartzen duten hezkidetzeta-prozesuak, gizarte- eta hezkuntza-eragileekin.
- 6) Ikuspegi feminista duten prestakuntza-prozesuak bultzatzea, langile publiko eta politikoentzat, bereziki, jendeari arreta emateko, eta gizarte- eta hezkuntza-esparrurako.
- 7) Genero aniztasunaren normalizazioaren aldeko sentsibilizazio-kanpaina egitea, Covid-19aren krisialdiaren testuinguru sozialera egokituta, epe labur, ertain eta luzean, sexu-genero dikotomiari, heteronormatibitateari eta eremu desberdinetan LGTBIQ+ pertsonenganako indarkeriaren eta diskriminazioaren adierazpen eta forma anitzi buruzko kontzientzia kritikoa hartzea errazteko.
- 8) Sexu Askatasunaren aldeko nazioarteko egunaren bandera udaletxeko ohar taulan, webgunean, harrera gunean eta Ekainaren 28an balkoian ipintzea.

Herritarrei dei egiten diegu LGTBIQ+ mugimenduak gure herri eta hirietan deitutako ekintzetan parte har dezaten

Denontzako askea eta bidezkoa den Dima baten alde!

Diman, 2020ko ekainak 26

DIMAKO UDALA



Izpt: Josu Gorospe Lapatza
(BIZKAIA)